

SAKSPAPIR

Saksnr	Utval	Type	Dato
014/21	Formannskapet	PS	10.02.2021
021/21	Heradsstyret	PS	24.02.2021

Saksbehandlar	ArkivsakID
Runar Ludvigsen	20/1021

Oppdatering og endring av reglement

Vedlegg:

Reglement for klagenemnd

Reglement for Administrasjonsutvalet

Reglement for kontrollutvalet

Oppdatering av reglement for råd for menneske med nedsett funksjonsevne

Oppdatering av reglement for eldrerådet

Reglement for valstyret

Oppdatering av innsynsreglement for folkevalde

Rådmannen sitt framlegg til vedtak:

Oppdaterte reglement for kontrollutvalet, administrasjonsutvalet, eldreråd, råd for menneske med nedsett funksjonsevne og innsynsrett for folkevalde vert godkjende slik dei ligg føre i vedlegg til saka.

Nytt reglement for klagenemnda og valstyret vert godkjend slik dei ligg føre i vedlegg til saka.

Formannskapet - 014/21

FS - behandling:

Framlegg og votering/avrøysting finn du i møterapporten i bunn av protokollen.

FS - vedtak:

Oppdaterte reglement for kontrollutvalet, administrasjonsutvalet, eldreråd, råd for menneske med nedsett funksjonsevne og innsynsrett for folkevalde vert godkjende slik dei ligg føre i vedlegg til saka.

Nytt reglement for klagenemnda og valstyret vert godkjend slik dei ligg føre i vedlegg til saka.

Heradsstyret - 021/21

HS - behandling:

AVRØYSTING

26 medlemmer/varamedlemmer til stades

Formannskapet si innstilling - samrøystes vedteken

((5SP,1MDG,1V,3KRF,2SV,3AP,4H,7FRP)

HS - vedtak:

"Oppdaterte reglement for kontrollutvalet, administrasjonsutvalet, eldreråd, råd for menneske med nedsett funksjonsevne og innsynsrett for folkevalde vert godkjende slik dei ligg føre i vedlegg til saka.

Nytt reglement for klagenemnda og valstyret vert godkjend slik dei ligg føre i vedlegg til saka."

Saksopplysningar:

Saksopplysningar:

Den 04.11 og 25.11.2020 handsama formannskapet eventuelle endringar i reglement for heradsstyret, formannskapet og plan- og kommunalteknisk utval, delegeringsreglement for rådmann og politisk mynde, samt reglement for gildskap. Heradsstyret vedtok nye og oppdaterte reglement 09.12.2020.

No vert resterande reglement lagt fram til handsaming:

- Klagenemnd (nytt)
- Kontrollutval
- Administrasjonsutval
- Eldreråd
- Råd for menneske med nedsett funksjonsevne
- Valstyret (nytt)
- Innsynsrett for folkevalde

Bakgrunn

Ny kommunelov vart sett i verk frå konstituerande møte i heradsstyret hausten 2019. Mykje er vidareført frå tidlegare lov, men det er og teke inn nye paragrafar og endringar i tillegg til at kapittel-inndelingane i lova er endra. Ny kommunelov finn de her: <https://lovdata.no/dokument/NL/lov/2018-06-22-83?q=kommuneloven>.

Etter kommunelova§ 5-14 skal kommunestyret innan 31. desember etter konstitueringa fastsetja eit reglement for korleis vedtaksmynde og innstillingsrett skal vera. Dette for at reglementa er i tråd med og oppdaterte ut i frå korleis sittande kommunestyre ønskjer å styre.

Vurdering

Utvalsreglementa er oppdaterte i høve til nytt lovverk, i tillegg til at det er lagt fram forslag til eit reglement for klagenemnd og valstyret, noko Osterøy kommune ikkje har hatt tidlegare. Det vert og, som informert om i heradsstyret 09.12.20, sak 115/20, lagt fram forslag om endringar i struktur i reglementa.

Endringane vert lagt fram med den hensikt å gjere det enklare å sjå kva som er viktig og vesentleg for det bestemte utval og gjere reglementet meir lett-lest og mindre omfattande.

Endringar er markert med gul skrift. Tekst som vert teke ut er markert med overstryking. Tekst som er flytta frå ein plass til en anna er evt. markert med grøn skrift.

Saka vert lagt fram til vurdering og handsaming. Det er då tid til handsaming i partigrupper og utval til å vurdere om det er behov for andre endringar i reglementa før endeleg vedtak i heradsstyret.

Klagenemnd (nytt):

- Kommunen har ikkje eit reglement for klagenemnd pr i dag. Forslag til reglement vert difor lagt fram for handsaming.

Kontrollutval:

- Siste setning under § 2 er teke bort da dette ikkje er riktig
- Heile § 3 og store deler av § 4 er teken ut då dette er dekkja i reglement for heradsstyret. Har lagt inn setning om at kontrollutvalet skal følgje reglane for sakshandsaming jf. Reglement for heradsstyret.
- Første punkt i § 5 og § 7 er teke bort då dette ikkje er nødvendig å ha med.
- Siste punkt under § 8 er teke bort då ein ikkje har lovheimel for dette. Leiar har ikkje meir rett til innsyn enn dei andre medlemmane og organet/utvalet som heilskap.
- Nest siste punkt under § 8 er teke bort og erstatta med 2 nye punkt.

Oppdatert utkast til reglement er gjort i samråd med kontrollutvalet sitt sekretariat og er sendt til kontrollutvalet for eventuell uttale. Uttalen vert i så fall lagt ved saka

Administrasjonsutval:

- Lagt inn forslag om fast same samansetting som i formannskap, jf. Samrøystes vedtak i sist val – HS 68/19, og derav fjerna store deler av §1
- Fjerna store deler av §3 då dette ikkje er relevant eller riktig ut i frå korleis ADMU i dag jobbar og skal jobbe i kommunen.
 - 2 av punkta under avsnitt 6 er fjerna og erstatta med eit nytt punkt
- Fjerna store deler av §4 og lagt inn setning om AMDU skal følgje reglane for sakshandsaming jf. Reglement for heradsstyret. Mellom anna erstattar politisk sekretariat HR sin rolle som sekretær for utvalet.

Eldreråd:

- § 4-7 og § 9 er teke bort og det er lagt inn setning om at eldrerådet skal følgje reglane for sakshandsaming jf. Reglement for heradsstyret.
- Lagt inn ny paragraf med overskrift for den opphavlege siste setningen i reglementet

Råd for menneske med nedsett funksjonsevne:

- § 4-7 og § 9 er teke bort og det er lagt inn setning om at eldrerådet skal følgje reglane for sakshandsaming jf. Reglement for heradsstyret.
- Lagt inn ny paragraf med overskrift for den opphavlege siste setningen i reglementet

Valstyret (nytt):

- Kommunen har ikkje eit reglement for valstyret pr. dags dato. Forslag til reglement vert difor lagt fram for handsaming.

Innsynsreglement:

- Endring i punkt 2.1 og 2.2 som følgje av ny lovtekst i kommunelova. Enkelt medlem kan ikkje lenger krevje innsyn – dette går no på folkevalt organ/utval som heilskap.
- Stryk siste setning i punkt 2.2 då dette ikkje er presisert i lov.
- Punkt 2.3 er teke bort då dette ikkje lenger er relevant jf. Ny lov.

- Punkt 3.1 og 3.2 har fått tilvisning til lovtekst, noko som dei ikkje hadde før.
- Punkt 4.3 er teke bort då dette ikkje lenger er relevant av omsyn til gjeldande praksis i kommunen.
- Setning nr. 3 i punkt 5.1 er teke bort då dette ikkje lenger er relevant med omsyn til ny lov som vist i punkt 2.1 og 2.2.

Utsjåande på alle reglementa vert fiksa og gjort like før publisering. Det vert også laga eit samle dokument kor alle reglementa er samla saman med ein felles innhaldsliste.

Konklusjon

Saka vert lagt fram til vurdering og avgjerd. Rådmannen si tilråding er i hovudsak å vidareføra gjeldande reglement og praksis med dei presiseringar, justeringar og endringar som følgjer av endringar i kommunelova/andre lover.